



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ. 010-51-29-53 Էլ փոստ՝ <<Patrol-service@police.am>>

N 91/5638

13 09 2022թ.

**Աշոտ Սաֆրազյանին**

Հասցե՝ ք. Ագարակ, Չարենցի փող, 6 շ, 6 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8200115063 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>>թերթ:

**Պետի տեղակալ,  
ոստիկանության մայոր՝**

**Դ. Օհանյան**

Կատ. Ա. Ստեփանյան



## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 27.02.2022թ-ին կայացված 8200115063 որոշումն անփոփոխ, իսկ վարչական բողոքն առանց բավարարման թողնելու մասին

<<12>> 04 2022թ.

ք.Երևան

ՀՀ Ոստիկանության Պարեկային ծառայության պետի տեղակալ, ոստիկանության մայոր Դ. Օհանյանս, վերանայելով Աշոտ Սաֆրազյանի դիմումի քննարկման արդյունքում ստեղծված նյութերը,

## Պ Ա Ր Զ Ե Ց Ի

27.02.2022թ. ժամը 16:40-ի սահմաններում Երևան քաղաքի Գայի պողոտայում քաղաքացի Աշոտ Սաֆրազյանի վարած <<Կիա>> մակնիշի 37GR388 հաշվառման համարանիշի տրանսպորտային միջոցը երթևեկելի մասին ոչ զուգահեռ տեղակայելու փաստը հայտնաբերվել է Պարեկային ծառայության Երևան քաղաքի գնդի 3-րդ գումարտակի 1-ին վաշտի կրտսեր պարեկ Գագիկ Եսոյանի կողմից:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 21-րդ մասի համաձայն կայացվել է որոշում՝ վերջինիս 5.000 ՀՀ դրամի չափով տուգանելու մասին:

Ագարակ քաղաքի Չարենցի փող, 6 շ, 6 բն. բնակիչ Աշոտ Սաֆրազյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 27.02.2022թ-ին կայացված թիվ 8200115063 որոշումն այն հիմնավորմամբ, որ նույն վայրում մի քանի օր անց նկատել է այլ տրանսպորտային միջոցներ նույն իրավախախտմամբ կայանված, որտեղ ներկա են եղել նաև պարեկային ծառայության ծառայողները: Միաժամանակ դիմումին կից ներկայացրել է նշված վայրից կատարված լուսանկարներ:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու



հնարավորություն տալու նպատակով Աշոտ Սաֆրազյանը հրավիրվել է պարեկային ծառայության իրավաբանական բաժանմունք, սակայն չի ներկայացել:

Պարեկային ծառայության ծառայող, կրտսեր պարեկ Գագիկ Եսոյանի կողմից տրված բացատրության համաձայն՝ քաղաքացի Աշոտ Սաֆրազյանի տրանսպորտային միջոցը տեղակայված է եղել Գայի պողոտայում երթևեկելի մասին ոչ զուգահեռ, որի համար կազմվել է վարչական իրավախախտման վերաբերյալ արձանագրություն և կայացված որոշմամբ վարորդը ենթարկվել է վարչական պատասխանատվության: Անդրադառնալով իրավախախտի կողմից նշված հանգամանքներին, ապա պարեկային ծառայության ծառայողը նշել է, որ տվյալ հատվածում իրավախախտմամբ կայանված բոլոր տրանսպորտային միջոցների վարորդները ենթարկվել են վարչական պատասխանատվության:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 27.02.2022թ-ին կայացված 8200115063 որոշումը ենթակա է կատարման հետևյալ պատճառաբանությամբ

<<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին>> ՀՀ կառավարության 28.06.2007թ-ի թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի (երթևեկելի մասի տեղային լայնացում), որտեղ գնալը մամբ թույլատրված են տրանսպորտային միջոցների շահագործումն ալ մեկ: Առանց կողային կտրուկ նուստի տրանսպորտային միջոցները թույլատրվում է կանոնները շտա շարքով:

<<Հայաստանի Հանրապետության միջոցներ>> ՀՀ գրեմազքի 124-րդ հոդվածի 2-րդ մասի համաձայն՝ տրանսպորտային միջոցների վարորդների կողմից կանգադր և (կամ) կայանման կանոնները խախտելը, առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի (ա) կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում:

Անդրադառնալով դիմումատուի կողմից նշված այն հանգամանքին, որ ենթարկվել է վարչական պատասխանատվության իր վարած տրանսպորտային միջոցը այն վայրում երթևեկելի մասի երզրին ոչ զուգահեռ կայանելու համար, որտեղ օրեր անց կայանված են եղել այլ տրանսպորտային միջոցներ, ապա վարչական իրավախախտման վերաբերյալ կազմված արձանագրության և Աշոտ Սաֆրազյանի կողմից տրամադրված լուսանկարների ուսումնասիրությունից հնարավոր չէ հստակեցնել, որ վարորդի կողմից իրավախախտումը թույլ է տրվել կոնկրետ տվյալ հատվածում:

<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է



իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և իրավագիտակցությամբ:

Այսպիսով, դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 21-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 27.02.2022թ. կայացված թիվ 8200115063 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Աշոտ Սաֆրազյանին և պարեկային ծառայության Երևան քաղաքի գունդ:

Պետի տեղակալ,  
նստիկանության մայոր՝



Դ. Օհանյան